

二十四史九通政典類要合編

遼

第四十冊

新子部

PDG

遼六

營衛

宮衛族上

捺鉢

部

部族下

遼國之法天子踐位置宮衛分州縣析部族設官府籍戶口備兵馬崩則屬從后妃宮帳以奉陵寢有調發則丁壯從戎事老弱居守太祖曰弘義宮應天皇后曰長寧宮太宗曰永興宮世宗曰積慶宮穆宗曰延昌宮景宗曰彰德宮承天太后曰崇德宮聖宗曰興聖宮興宗曰延慶宮道宗曰太和宮天祚曰永昌宮又孝文皇太弟有敦睦宮丞相耶律隆運有文忠王府凡州三十八縣十提轄司四十一石烈二十三瓦里七十四抹里九十六得里二間撒十九爲正戶八萬蕃漢轉戶十二萬三千共二十萬三千戶算幹魯朶太祖置國語心腹曰算宮曰幹魯朶是爲弘義宮以心腹之衛置益以渤海俘錦州戶其幹魯朶在臨潢府陵寢在祖州東南二十里正戶八千蕃漢轉戶七千出騎軍六千

州五錦祖嚴祺銀

縣一富義

提轄司四南京西京奉聖州平州

石烈二曰須速魯

瓦里四曰合不曰撻撒曰慢押曰虎池

林里四曰臚曰預墩曰鶻突曰糾里闡

得里二曰述

壘北曰述壘南

國阿輦幹魯朶太宗置牧國曰國阿輦是爲永興宮初名孤穩幹魯朶以太祖平渤海俘戶東京懷

州提轄司及雲州懷仁縣澤州潞河縣等戶道其幹魯朵在游古河側陵寢在懷州南三十里正戶三千蕃漢轉戶七千出騎軍五千

州四懷黔開來 縣二保和深河 提轄司四南京西京奉聖州平州 石烈一北女古 瓦里四曰抹曰毋曰合李只曰述壘 抹里十三曰述壘軫曰大隔蔑曰小隔蔑曰毋曰歸化不木曰唐括曰吐 谷曰百爾瓜忒曰合魯不只曰移馬曰臚曰清帶曰速穩

聞撒七曰伯德部曰守拔曰穴骨只曰合不額尼曰虎里拔曰耶律只挾室曰僧隱令公

耶魯益幹魯朵世宗置興盛曰耶魯益是爲積慶宮以文獻皇帝衛從及太祖俘戶及雲州提轄司并高宜等州戶置其幹魯朵在土河東陵寢在長寧宮北正戶五千蕃漢轉戶八千出騎軍八千

州三康顯宜

縣一山東 提轄司四

石烈一兮臘

瓦里八曰達撒曰合不曰吸烈曰逼里曰潭馬曰斡不曰耶里直曰耶魯兀也

抹里十曰紇斯直曰蠻葛曰厥里曰潭馬忒曰出之曰速忽魯梳曰牒里得曰闊馬曰迭里特曰女古

蒲速盪幹魯朵應天皇后置興隆曰蒲速盪是爲長寧宮以遼州及海濱縣等戶置其幹魯朵在高州陵寢在龍化州東一百里世宗分屬讓國皇帝宮院正戶七千蕃漢轉戶六千出騎軍五千

州四遼儀坤遼西顯

縣三奉先歸義定霸

提轄司四

石烈一北女古

瓦里六曰潭馬曰合不曰達撒曰慢押曰耶里只曰渾只

抹里十三曰渾得移隣稍瓦只曰合四卑臘因鐵里卑稍只曰奪羅果只曰拏葛只曰合里只
曰婆渾昆母溫曰阿魯埃得本曰東廝里門曰西廝里門曰東鏤里曰西鏤里曰牒得只曰滅
母隣母

奪里本幹魯朵穆宗置是爲延昌宮討平曰奪里本以國阿董幹魯朵戶及阻卜俘戶中京提轄司
南京制置司咸信韓等州戶置其幹魯朵在紕雅里山南陵寢在京南正戶一千蕃漢轉戶三千出
騎軍二千

州二遂韓

提轄司三中京南京平州

石烈一曰須

瓦里四曰抹骨古等

曰兀沒曰潭馬曰合至直

抹里四曰抹骨登兀沒滅曰土木直移隣曰息

州決

里曰莫瑰奪石

監母幹魯朵景宗置是爲彰懸宮遺留曰監母以章肅皇帝侍衛及武安州戶置其幹魯朵在合魯
河陵寢在祖州南正戶八千蕃漢轉戶一萬出騎軍一萬 州四永隆化降聖同 縣二行唐阜俗
提轄司四 石烈二曰監母曰南女古 瓦里七曰潭馬曰奚烈曰埃合里直曰蠻雅獨曰特末
曰烏也曰滅合里直 抹里十一曰尼母曷烈因稍瓦直曰察改因麻得不曰移失隣幹直曰辛
古不直曰撒改真曰牙葛直曰虎彼阿里隣曰潑昆曰潭馬曰開獵曰楚兀真果隣 孤穩幹魯

朵承天太后置是爲崇德宮王曰孤孃以乾顯雙

三州戶置其幹魯朵是在土河東耐景宗皇帝正戶六千蕃漢轉戶一萬出騎軍一萬 州四乾川

雙貴德

縣一路

上京

提轄司三南京西京奉聖州

石烈三曰鑣里曰傍曰迭里特女古

瓦里七曰達撒曰耶里曰合不曰歇不曰合里直曰慢押曰耶里直 抹里十一曰阿里廝直述

壘曰預篤溫稍瓦直曰潭馬曰質預篤溫一臘曰牙葛直曰牒得直曰虎溫曰孤溫曰撒里僧曰

阿里葛斯過隣曰鐵里乖穩鑣里 開撒五曰合不直迷里幾頻你曰牒耳葛太保果直曰爪里

阿本果直曰僧騰令公果直曰老昆令公果直

女古幹魯朵聖宗置是爲興聖宮金曰女古以國阿輦耶魯盤蒲速盜三幹魯朵戶置其幹魯朵在

女混活直陵寢在慶州南安正戶一萬蕃漢轉戶二萬出騎軍五千

州五慶陽烏

上京烏東京

霸

提轄司四

石烈四曰毫兀真女姑曰孛兀真女室

曰女特里特曰女古傍

瓦里六曰女古蒲速盜曰鶻篤曰乙抵曰赫曰埃也

抹

里九曰乙辛不只曰鐵乖溫曰埃合里只曰嘲瑰曰合魯山血古只曰奪忒排登血古只曰勞

骨曰虛沙曰土隣開撒五曰達隣頻你曰和里懶你曰爪阿不厥貞曰枯獨里僧曰袍達夫人

厥只

窩篤盤幹魯朵興宗置是爲延慶宮孛息曰窩篤盤以諸幹魯朵及饒州戶置其幹魯朵在高州西

陵寢在上京慶州正戶七千蕃漢轉戶一萬出騎軍一萬 州三饒長春泰 提轄四司 石烈二
曰窩篤盃曰鶻篤骨 瓦里六曰窩篤盃曰廝把曰廝阿曰紇里曰得里曰歐烈 抹里六曰歐
里本曰燕廝曰緬四曰乙僧曰北得里曰南得里 阿思幹魯朶道宗置是爲太和宮寬大曰阿
思以諸幹魯朶御前承應人及興中府戶置其幹魯朶在好水濠陵寢在上京慶州正戶一萬蕃
漢轉戶二萬出騎軍一萬五千 石烈二曰阿廝曰耶魯 瓦里八曰阿廝曰耶魯曰得里曰紇
里曰撒不曰鶻篤曰蒲逮幹曰曷烈 抹里七曰恩州得里曰幹奢得里曰歐里本曰特滿曰奎
刺土隣曰紇里曰阿里廝迷里 阿魯盃幹魯朶天祚皇帝置是爲永昌宮輔祐曰阿魯盃以諸
幹魯朶御前承應人春宣州戶置正戶八千蕃漢轉戶一萬出騎軍一萬 石烈二曰阿魯盃曰
榆魯盃 瓦里八曰阿魯幹曰合里也曰鶻突曰敵刺曰謀魯幹曰紇里曰奪里刺曰特末也
抹里八曰蒲速盃曰移輦曰幹篤盃曰特滿曰謀魯盃曰移輿曰悅曰勃得本 孝文皇太弟敦
睦宮謂之赤寔得

本幹魯朶孝曰赤寔得本文獻皇帝承應人及渤海俘建藩巖三州戶置陵寢在祖州西南三十里
正戶三千蕃漢轉戶五千出騎軍五千 州三建藩巖 提轄司一南京 石烈二曰嘲曰與敦
瓦里六曰乙辛曰得里曰奚烈直曰大潭馬曰小潭馬曰與敦 抹里二曰潭馬抹乖曰柳實
聞撒二曰聶里頻你曰打里頻你 大丞相晉國王耶律隆運本韓氏名德讓以功賜國姓出宮

籍隸橫帳季父房贈尙書令諡文忠無子以皇族魏王貼不子耶魯爲嗣早卒天祚皇帝又以皇子敦魯幹繼之官給葬具建廟乾陵側擬諸宮例建文忠王府正戶五千蕃漢轉戶八千出騎軍一萬 州一 提轄司六上京中京南京西京奉聖州平州 著帳 郎君 著帳郎君初遙輦痕德堇可汗以蒲古只等三族害于越釋魯籍沒家屬入瓦里溫欽皇后宥之以爲著帳郎君世宗悉免後族戚世官犯罪者沒入

著帳戶

著帳戶水諸幹魯朵析出及諸罪沒入者凡承應小底司藏鷹坊湯樂尙飲盥漱尙饕尙衣裁造等役及宮中親王祇從伶官之屬皆克之 凡諸宮衛人丁四十萬八千騎軍十萬一千著帳釋宥沒入隨時增損無常額

遼史營衛志

右宮衛

周官土圭之法日東景朝多風日北景長多寒天地之間風氣異宜人生其間各適其便王者因三才而節制之長城以南多雨多暑其人耕稼以食桑麻以衣宮室以居城郭以治大漠之閒多寒多風畜牧畋漁以食皮毛以衣轉徙隨時車馬爲家此天時地利所以限南北也遼國盡有大漠浸包長城之境因宜爲治秋冬違寒春夏避暑隨水草就畋漁歲以爲常四時各有行在之所謂之捺鉢春捺鉢

曰鴨子河梁皇帝正月上旬起牙帳約六十日方至天鵝未至卓帳冰上鑿冰取魚冰泮乃縱鷹
鵲捕鵲雁晨出暮歸從事也獵鴨子河梁東西二十里南北三十里在長春州東北三十五里四
面皆沙坳多榆柳杏林皇帝每至侍御皆服墨綠色衣各備連鎗一柄鷹食一器刺鵲錐一枚於
梁周圍相去各五七步排立皇帝冠巾衣時服繫玉束帶於上風望之有鵲之處舉旗探騎馳報
遠泊鳴鼓鵲驚騰起左右圍騎皆舉幟麾之五坊擎進海東青鵲拜授皇帝放之鵲禽鵲陸勢力
不加排立近者舉錐刺鵲取腦以飼鵲救鵲人例賞銀絹皇帝得頭鵲薦廟羣臣各獻酒果舉樂
更相酬酢致賀語皆捕鵲毛于首以爲樂賜從人酒遍散其毛也獵網釣春盡乃還

夏捺鉢

無常所多在吐兒山道宗每歲先幸黑山拜聖宗興宗陵賞金蓮乃幸子河避暑吐兒山在黑山
東北三百里近饅頭山黑山在慶州北十三里上有池池中有金蓮子河在吐兒山東北三百里
懷州西山有清涼殿亦爲行幸避暑之所四月中旬起牙帳卜吉地爲納涼所五月末旬六月上
旬至居五旬與北南臣遠議國事暇日遊獵七月中旬乃去

秋捺鉢

曰伏虎林七月中旬自納涼處起牙帳入山射鹿及虎林在永州西北五十里嘗有虎據林傷害
居民畜牧景宗領數騎獵焉虎伏草際戰慄不敢仰視上舍之因號伏虎林每歲車駕至皇族而

下分布灤水側伺夜將半鹿飲鹽水令獵人吹角效鹿鳴既集而射之謂之祗祿鹿又名呼鹿

冬、捺鉢

曰廣平淀在永州東南三十里本名白馬淀東西二十餘里南北十餘里地甚坦夷四望皆沙磧木多榆柳其地饒沙冬月稍暖牙帳多於此坐冬與北南大臣會議國事時出校獵講武兼受南宋及諸國禮貢皇帝牙帳以槍爲硬寨用毛繩連繫每槍下黑氈傘一以芘衛士風雪槍外小氈帳一層每帳五人各執兵仗爲禁圍南有省方殿殿北約二里曰壽寧殿皆木柱竹椽以氈爲蓋彩繪鞘柱錦爲壁衣加緋繡額又以黃布繡龍爲地障牕榻皆以氈爲之傳以黃油絹基高尺餘兩廂廊廡亦以氈蓋無門戶省方殿北有鹿皮帳帳次北有八方公用殿壽寧殿北有長春帳衛以硬寨宮用契丹兵四千人每日輪番千人祇直禁圍外卓槍爲寨夜則拔槍移卓御寢帳周圍拒馬外設舖傳鈴宿衛每歲四時周而復始

皇帝四時巡狩契丹大小內外臣僚并應役次人及漢人宣徽院所管百司皆從漢人樞密院中書省唯摘宰相一員樞密院都副承旨二員令史十人中書令史一人御史臺大理寺選摘一人扈從每歲正月上旬車駕啟行宰相以下還於中京居守行遣漢人一切公事除拜官僚止行堂帖權差俟會議行在所取旨出給諸敕文官縣令錄事以下更不奏聞聽中書銓選武官須奏聞五月納涼行在所南北臣僚會議十月坐冬行在所亦如之

右抹鉢

部落曰部氏族曰族契丹故俗分地而居合族而處有族而部者五院六院之類是也有部而族者奚王室輩之類是也有部而不族者特里特免稍瓦葛木之類是也有族而不部者遙輦九帳皇族三父房是也奇首八部爲高麗蠕蠕所侵僅以萬口附于元魏生聚未幾北齊見侵掠男女十餘萬口繼爲突厥所逼寄處高麗不過萬家部落離散非復古八部矣別部有臣附突厥者內附于隋者依紇臣水而居部落漸眾分爲十部有地遼西五百餘里唐世大賀氏仍爲八部而松漠玄州別出亦十部也遙輦氏承萬榮可突于散敗之餘更爲八部然遙輦迭刺別出又十部也阻于可汗析爲二十部契丹始大至于遼太祖析九帳三房之族更列二十部聖宗之世分置十有六增置十有八并舊爲五十四部內有拔里乙室己圖舅族外有附庸十部盛矣其氏族可知者略具皇族外戚二表餘五院六院乙室部止見益古撒里本涅刺烏古部止見撒里下涅勒突呂不突舉部止見塔古里航幹皆兄弟也奚王府部時瑟哲里皆臣主也品部有孥女楮特部有注其餘世繫名字皆漫無所考矣舊志曰契丹之初草居野次靡有定所至涅里始制部族各有分地太祖之興以迭刺部強熾析爲五院六院奚六部以下多因倖降而置勝兵甲者卽著軍籍分隸諸路詳穩統軍招討司番居內地者歲時田牧平莽閒邊防戶生生之資仰給畜牧績毛飲運以爲衣食各安舊風徃習勞事不見紛華異物而遷故家給人足戎備整完卒之虎視四方強朝弱附東踰蟠木西越流沙莫不率

服部族寔爲之爪牙云

古八部

悉萬丹部

何大何部

伏佛郁部

羽陵部

日連部

匹絜部

黎部

吐六于部

契丹之先曰奇首可汗生八子其後族屬漸盛分爲八部居松漠之間今永州木葉山有契丹始祖廟奇首可汗可敦併八子像在焉潢河之西土河之北奇首可汗故壤也

隋契丹十部

元魏末莫弗賀勿于畏高麗蠕蠕侵逼率車三千乘眾萬口內附乃去奇首可汗故壤居白狼水東北齊文宣帝自平州三道來侵虜男女十餘萬口分置諸州又爲突厥所逼以萬家寄處高麗境內隋開皇四年諸莫弗賀悉眾款塞聽居白狼故地又別部寄處高麗者曰出伏等率眾內附詔置獨奚那頡之北又別部臣附突厥者四千餘戶來降詔給糧遣還固辭不去部落漸眾徙逐水草依紇臣水而居在遼西正北二百里其地東西亘五百里南北三百里分爲十部逸其名唐大賀氏八部

達稽部峭落州

紇便部彈汗州

獨活部無逢州

芬間部羽陵州

突便部日連州

芮奚部徒河州

陸斤部萬丹州

伏部州二匹黎赤山

唐太宗置玄州以契丹大帥據曲爲刺史又置松漠都督府以窟哥爲都督分八部并玄州爲十州則十部在其中矣

遙輦氏八部 旦利皆部 乙室活部 實活部 納尾部 頻沒部 納會難部 集解部 奚嗚部

唐當開元天寶間大賀氏旣微遼始祖涅里立迪輦祖里爲阻午可汗時契丹因萬榮之敗部落凋散卽故有族眾分爲八部涅里所統迭刺部自爲別部不與其列并遙輦迭刺亦十部也

遙輦阻午可汗二十部 耶律七部 審密五部 八部

涅里相阻午可汗分三耶律爲七二審密爲五并前八部爲二十部三耶律一曰大賀二曰遙輦三曰世里卽皇族也二審密一曰乙室已二曰拔里卽國舅也其分部皆未詳可知者曰迭刺曰乙室曰品曰樁特曰烏隗曰突呂不曰捏刺曰突舉又有右大部左大部凡十逸其二大賀遙輦

析爲六而世里合爲一茲所以迭刺部終遙輦之世弘不可制云

遼史營衛志

遼起松漠經營撫納竟有唐晉帝王之器典章文物施及潢海之區作史者尙可以故俗語耶舊史有部族志歷代之所無也古者巡于方岳五服之君各述其職遼之部族實似之故以部族置宮衛行營之後云

遼內四部族

遙輦九帳族

橫帳三父房族

國舅帳拔里乙室已族

國舅部族

太祖二十部二國舅升帳分止十八部

五院部其先曰益古凡六營阻午可汗時與弟撒里本領之曰迭剌部傳至太祖以夷离菑卽位天贊元年以疆大難制析五石烈爲五院六瓜爲六院各置夷离菑會同元年更夷离菑爲大王部隸北府以鎮南境大王及都監春夏居五院部之側秋居羊門旬石烈四

大蔑孤石烈

小蔑孤石烈

獸昆石烈太宗會同二年以烏古之地水草豐美命居之三

年益以海勒水之地爲農田

乙智本石烈會同二年命以烏古之地

六院部隸北府以鎮南境其大王及都監春夏居泰德泉之北秋冬居獨盧金石烈四

轄懶石烈

阿速石烈

幹納撥石烈

幹納阿刺石烈會同二年命居烏古三年益以海勒水地

乙室部其先曰撒里本阻午可汗之世與其兄益古分營而領之曰乙室部會同二年更夷离菑爲大王隸南府其大王及都監鎮駐西南之境司徒居鶯鶯泊闌撒拔居車軸山石烈二

阿里荅石烈

欲主石烈

品部其先曰孛女阻午可汗以其營爲部太祖更諸部夷离菑爲令總統和中又改節度使隸北府屬西北路招討司司徒居太子墳凡戍軍隸節度使留後戶隸司徒石烈二

北哲里只石烈

南轄懶石烈

楮特部其先曰洼阻午可汗以其營爲部隸南府節度使屬西北路招討司司徒居柏坡山及鐔山之側石烈二

北石烈

南石烈

烏隗部其先曰撒里卜與其兄涅勒同營阻午可汗析爲二撒里卜爲烏隗部涅勒爲涅刺部俱隸北府烏隗部節度使屬東北路招討司司徒居徐母山郝里河之側石烈二

北石烈

南石烈

涅刺部其先曰涅勒阻午可汗分其營爲部節度使屬西南路招討司居黑山北司徒居郝里河側石烈二

北場里石烈

南察里石烈

突呂不部其先曰塔古里領三營阻午可汗命分其一與弟航幹爲突舉部塔古里得其二更爲突呂不部隸北府節度使屬西北路招討司司徒居長春州西石烈二

北托不石烈

南須石烈

突舉部其先曰航幹阻午可汗分營置部隸南府戍於隗烏古部司徒居兀泉側石烈一

北石烈

南石烈

奚王府六部五帳分其先曰時瑟事東遙里十帳部主哲里後逐哲里自立爲奚王卒弟吐勒廝立遙肇鮮質可汗討之俘其拒敵者七百戶撫其降者以時瑟鄰睦之故止俘部曲之半餘悉留焉奚勢由是衰矣初爲五部曰遙里曰伯德曰奧里曰梅只曰楚里太祖盡降之號五部奚天贊八年有東扒里廝胡損者恃險堅壁於箭筈山以拒命擲榆曰大軍何能爲我當飲墮瑰門下矣太祖滅之以奚府給役戶併括諸部總丁收合流散置墮瑰部因墮瑰門之語爲名遂號六部奚命勃魯恩主之仍號奚王太宗卽位置宰相常袞各二員聖宗合奧里梅只墮瑰三部爲一特置二剋部以足六部之數奚王和朔奴討兀惹收績籍六部隸北府

突呂不室韋部本名大小二黃室韋戶太祖爲達馬披沙里以計降之乃置爲二部隸北府節度使屬東北路統軍司戍泰州東北

涅刺斡古部與突呂不室韋部同節度使戍泰州東迭剌迭達部本鮮質可汗所俘奚七百戶太祖卽位以爲十四石烈置爲部隸南府節度使屬西南路招討司戍黑山北部民居慶州南

乙室與隗部神冊六年太祖以所俘奚戶置隸南府節度使屬東北路兵馬司

楮特奧隗部太祖以奚戶置隸南府節度使屬東京部署司

品達魯說部太祖以所俘達魯說部置隸南府節度使屬西南路招討司戍黑山北

烏古涅刺部亦曰涅離部太祖取于骨里戶六千神冊六年析爲烏古涅刺及圖魯二部俱隸北

府節度使屬西南路招討司

圖魯部節度使屬東北路統軍司

以上太祖以遙輦氏舊部族分置者凡十部增置者八

聖宗三十四部

撒里葛部奚有三營曰撒里葛曰竊介曰耨盪爪太祖伐奚乞降願爲蕃帳子弟籍于宮分皆設夷离堇聖宗各置爲部改設節度使皆隸南府以備畋獵之役居澤州東

竊爪部與撒里葛部同居潭州南

耨盪爪部節度使屬東京都部署司

訛僕括部與撒里葛三部同居望雲縣東

特里特勉部初於八部各析二十戶以戌奚偵候落馬河及速魯河側置二十詳穩聖宗以戶口蕃息置爲部設節度使隸南府成倒場嶺居橐駝岡

稍瓦部初取諸宮及橫帳大族奴隸置稍瓦石烈稍瓦鷹坊也居遼水東掌羅捕飛鳥聖宗以戶口蕃息置部節度使屬東京都部署司

曷朮部初取諸宮及橫帳大族奴隸置曷朮石烈曷朮鐵也以治于海濱柳溫河三黜古斯手山聖宗以戶口蕃息置部屬東京都部署司

遙里部居潭利二州間石烈三

撒里必石烈

北石烈

帖魯石烈

伯德部松山平州之間太師太保居中京西石烈六

噶勒石烈

速古石烈

腆你石烈

迭里石烈

旭特石烈

悅里石烈

楚里部居潭州北

奧里部統和十二年以與梅只墮瑰三部民籍數寡合爲一部并上三部本屬奚王府聖宗分置南剋部

北剋部統和二年以奚府二剋分置二部

隗衍突厥部聖宗析四關沙四頗憊戶置以鎮東北女直之境開泰九年節度使奏請置石烈隸北府屬黃龍府都部署司

奧衍特厥部與隗衍突厥同

涅刺越兀部以涅刺室韋戶置隸北府節度使屬西南面招討司戍黑山北

奧衍女直部聖宗以女直戶置隸北府節度使屬西北招討司戍鎮州境自北至河西部皆俘獲諸國之民初隸諸宮戶口蕃息置部訖於五國皆有節度使乙典女直部聖宗以女直戶置隸南